
Икки тадбиркорни ўзаро келишувига кўра қурилма бузилмайдиган бўлди

Ўзбекистон туманлараро иқтисодий судининг 29.11.2023 йилдаги суд буйруғига асосан ЯТТ Д.Б.К фойдасига Фурқат тумани Шойимбек МФЙ “Шойимбек” шаҳарчасидаги йўл ёқасида жойлашган ЯТТ Э.Т.Б томонидан рухсатсиз қурилган жами 18 кв.м бўлган ер майдонидаги бино иншоот мажбурий тартибда буздирилиши белгиланди.

Мажбурий ижро бюроси Фурқат тумани бўлими томонидан мазкур ижро ишини амалда ижросини таъминлаш мақсадида мажбурий ижро тайинланди.

Ижро ишида тадбиркорлик субъектларининг манфаатлари назарда тутилганлиги сабабли тайинланган мажбурий ижро ҳаракатларида бевосита туман ҳокимининг ўринбосарлари иштирокида ўтказилди.

Мажбурий ижро бюроси Фурқат тумани бўлими ва туман ҳокимининг ўринбосарлари икки тадбиркор билан олиб борилган тушунтиришлар натижасида тадбиркорларнинг ўзаро келишувига асосан қурилма ундирувчи ЯТТ Д.Б.К. га ўтказилди ва ижро иши ундирувчининг аризасига асосан тамомланди.

Туман ҳокимлиги томонидан ЯТТ Э.Т.Б га уз фаолиятини давом эттириш учун “Шойимбек” шаҳарчаси ҳудудидан бошқа жой ажратиб берилиши тушунтирилди.

2024-08-27 17:56:11